



Inatsisartunut ilaasortaq
Lars Poulsen, Siumut

§ 37 naapertorlugu apeqqummut nr. 2025-85-imut akissut

Inatsisartut Suleriaasianni § 37, imm. 1 naapertorlugu Ingerlatseqatigiiffiit Namminersorlutik Oqartussanit pigineqartut agguagassarsisitsisarneri pillugit Naalakkersuisunut apeqqutit tulliuuttuni allassimasut saqqummiuppatit.

Apeqqutigineqartut tullinnguuttuni akineqarput.

Apeqqut 1. Ingerlatseqatigiiffiit sorliit naatsorsuutit missingersuutigineqarsimasut malillugit nunap karsianut iluanaarutininik tunniussaqaqarsimanngillat?

Akissut: Royal Greenland A/S, Air Greenland A/S og KNI A/S ukiumut naatsorsuusiortiusumut 2024-mut tunngatillugu agguagassarsisitsinnaassimanngillat.

a. Tamanna Naalakkersuisut qanoq nalilerpaat?

Akissut: Namminersorlutik Oqartussat aktiaateqarluni ingerlatseqatigiiffii ukiut tamaasa sinneqartooruteqartarnissaannik Naalakkersuisut naatsorsuuteqarput, ingerlatseqatigiiffiilli ilaat pissutsinit avataaneersunit namminneerlutik aqussinnaanngisaminnit eqqorneqarsimapput. Ingerlatseqatigiit ingerlaannarsin-naanissaat qulakkeerniarlugu aamma ingerlatseqatigiiffiit ataasiakkaat inuiaqatigiinnut pisussaaffimminnik naammassinnissinnaaqullugit ingerlatseqatigiiffinni qullersat pisariaqartumik naleqqussarnissaat Naalakkersuisut naatsorsuutigaat. Tullinnguullugu ingerlatseqatigiiffiit suliaasat angusallu aallaavigalugit agguagarsisitsinnaasarnissaat kissaataavoq.

Tassungali tunngatillugu erseqqissaatigineqassaaq agguagarsisitsisarneriit soorlu Tusass A/S-imit innuttaasunit/atuisunit toqqaananngitsumik akiliuteqarnerulersitsisarmata. Aningaasartuutaanerulersut aningaasanut inatsit aqutugalugu pilersinneqartut nunatsinni atuisartunut akilernerqaqqittarput. Agguagarsisitsisarnissamik isumaqatigiisuteqanngippat tamanna atuisunut/innuttaasunut akinik appasinnerusunik atugassaqaqtitsilissagualuapoq.

21-07-2025

Suliap normua: 2025 - 391
All. normua. 22954855

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
Mail: govsec@nanoq.gl
www.naalakkersuisut.gl

Apeqquut 2. Iluanaarutiniq tunniussisimannginnermut tunngavilersuutigineqartut suuppat?

Akissut: Royal Greenland A/S, Air Greenland A/S aamma KNI A/S ukiumoortumik naatsorsuutiminnik saqqummiitinnatik Siulittaasup Naalakkersuisoqarfianut nalunaarsimapput siulersuisut tamarmiusut ingerlatseqatigiiffiit unammilligas-saqalernerit pissutigalugit naatsorsuutigineqaraluartutut agguagarsitsinneqarnissaat siulersuisunit tamarmiusunit inassutigineqarsinnaanngitsoq. Royal Greenland A/S nunarsuarmi akit allanngornerinit aamma iluatsinngitsumik aningaasaliisimanernit eqqorneqarpoq, Air Greenland A/S unammillerneqalerpoq ingerlatsinissaminullu atugassai ajorteriarsimallutik KNI A/S-ilu niueriaatsiminik allanngortitsinissaq sulissutigalugu tamatumalu saniatigut Illoqarfinnut nutserarnernit sunnerneqarsimalluni.

a. Tamanna pillugu Naalakkersuisut qanga ilisimatinneqarsimappat?

Akissut: Ingerlatseqatigiiffiit ataasiakkaat ukiumoortumik naatsorsuutai agguagarsinissanut tunngasut ilanngullugit ingerlatseqatigiiffiit assignngitsut 2025-mi majimi junimilu ukiukkaartumik ataatsimeersuarnerini naatsorsuutit akuerineqarneranut atatillugu Naalakkersuisunit ilisimaneqalerput.

Apeqquut 3. Aningaasanut inatsisimmi pinngitsoortitsinissat taakku Naalakkersuisut akuersissuteqarfigisimavaat?

Akissut: Ingerlatseqatigiiffiit piffissaq ukiumut naatsorsuusiortfigisartagaat aningaasanut inatsimmi ukiumut naatsorsuusiortfiusartumit allaneruvoq, taamaattumillu agguagarsiassanngortutut naatsorsuutigisat aningaasanut inatsit aqutigalugu akuerineqareeraangata aatsaat tunniunneqartarput taamaalillutillu kingusinnerusukkut aaqinneqartarlutik. Nalinginnaasumik ataatsimeersuarnerni ingerlatseqatigiiffiit aningaasaqarnera matussutissaqarneralu inatsisitigut maleruagassatigullunniit piumasaqaataasut naapertorlugit ingerlatseqatigiiffinni qullersat agguagarsiassatut tunniunneqarsinnaasut annertussusissaanik inassuteqartarput.

a. Taamaappat, suna tunngavigalugu?

Akissut: Apeqquut 3-mut akissut takuuk.

Apeqquut 4. Naalakkersuisut Siulittaasuat isumaqarpa, illersorneqarsinnaanersoq ammasumik ingerlatsitsinnginnerup, tamat oqartussaananerat eqqarsaatigalugu, allaffissornerinnakkut Namminersorlutik Oqartussat suliffeqarfiutaasa ukioq manna ataatsimeersuartinneqarneri?

Akissut: Allagaatit pioreersut tunngavigalugit najuuttoqarani ataatsimeersuarnerni paasitinneqarsinnaatitaaneq paasissutissiisarnerlu pillugit inatsimmi piumasaqaataasut malinneqartarput, piumasaqaatinillu ingerlatseqatigiiffiit malinninnissaminnut pisussaaffeqarput. Nalinginaasumik ataatsimeersuarnerit allagaatit pioreersut

tunngavigalugit najuuttoqarani ataatsimeersuarnertut ingerlanneqartussaatiillugit piffissaq eqqorlugu aggersaasoqartartussaavoq ammasumillu tamanna ingerlanneqartussaalluni, ingerlatseqatigiiffinnilu qullersat ukiumut naatsorsuusiortarnermut inatsimmi allassimasut naapertorlugit tusagassiortunut ilisimatitsissuteqartartussaallutik.

a. Aamma, tamanna Naalakkersuisut Siulittaasuata piginnittuunermut politikkimut naapertuuttutut isumaqarfigaa?

Akissut: Upernaaq manna Inatsisartunut qinersisoqarnera tunngavigalugu ingerlatseqatigiiffinni namminersorlutik oqartussani pigineqartuni allagaatit pioreersut tunngavigalugit najuuttoqarani ataatsimeersuarnertut ingerlanneqarnissaat pissusissamisoornerpaasussatut nalilernerqarsimavoq. Nalinginnaasumik ataatsimeersuarternerit atiutsileqqissapput.

Inussiarnersumik inuulluaqqusillunga

Jens-Frederik Nielsen
Naalakkersuisut Siulittaasuata

